

Þar, sem lyfjabúðir eru í læknishéruðum, annast lyfsalar útlát eitursins til 45
 héraðsbúa í stað héraðslækna. Landlæknir segir fyrir um umbúðir eitursins til 23. apríl
 þessara sérstöku nota, því til frekari tryggingar, að það valdi ekki slysum. Að
 öðru leyti fer um afgreiðsluna samkvæmt gildandi reglum um sölu eiturefna til
 annarra afnota en lækninga.

6. gr.

Brot gegn ákvæðum reglugerðar þessarar varða sektum frá 100—1000 kr.

7. gr.

Reglugerð þessi er sett samkvæmt heimild í 2. gr. laga nr. 89 1941. Öðlast hún
 þegar gildi og birtist hér með til leiðbeiningar öllum þeim, er hlut eiga að máli.

Í dóms- og kirkjumálaráðuneytinu, 23. apríl 1942.

Hermann Jónasson.

Gústav A. Jónasson.

BREYTING

46

29. maí

á gjaldskrá og reglum um leigukjör firðtalstöðva, sem landssíminn lætur á leigu
 í íslensk þilskip, frá 6. janúar 1934.

1. Aftan við orðin „senditæki“ í 2. gr. komi: (gerð G).
2. Á eftir 10. gr. komi ný grein, 11. grein, svo hljóðandi:

Landssíminn lætur enn fremur á leigu talstöðvargerð GV, sem er aflmeiri
 og fullkonnari en gerð G. Ársleiga fyrir þessa talstöð er kr. 180.00, stofngjald
 kr. 100.00 og váttryggingarupphæðin kr. 1500.00.

Póst- og simamálaráðherra, 29. apríl 1942.

Eysteinn Jónsson.

Guðmundur Hliðdal.

REGLUGERÐ

47

11. maí

fyrir Húsmæðrakennarskóla Íslands.

Samkvæmt lögum nr. 65 frá 27. júní 1941, um húsmæðraskóla í kaupstöðum, og
 lögum nr. 60 frá 11. júní 1938, um húsmæðrafraeðslu í sveitum, er hér með sett eftir-
 farandi reglugerð fyrir skólann.

I. KAFLI

Markmið og skipulag.

1. gr.

Markmið skólans er að veita stúlkum nægilega kunnáttu til að þær geti orðið
 forstöðukonur og kennarar við húsmæðraskóla, matreiðslunámskeið, kennslukonur
 í matreiðslu við barnaskóla, ráðskonur við sjúkrahús, heimavistarskóla og önnur
 slík störf.

47

11. maí

Skólinn skiptist í tvær hliðstæðar deildir: Húsmæðrakennaradeild og skólaeldhúskennaradeild.

Námstími í húsmæðrakennaradeild er 2 ár, og skiptist í 3 námstímabil. Náms-
tími í skólaeldhúskennaradeild er 9 mánuðir og er eitt námstímabil.

II. KAFLI

Um inntöku nemenda.

3. gr.

Almenn inntökuskilyrði fyrir báðar deildir eru:

1. Að nemandi sé 21 árs.
2. Að nemandi hafi engan næman kvilla eða sjúkdóm, er öðrum geti orðið að meini eða geri hann óhæfan til kennslustarfa.
3. Að nemandi hafi óspillt siðferði.

4. gr.

Til þess að geta fengið inngöngu í húsmæðrakennaradeild, verður nemandi að hafa lokið gagnfræða- eða héraðsskólaprófi eða notið annarrar hliðstæðrar menntunar. Auk þess skal nemandi hafa verið í húsmæðraskóla minnst 4 mánuði. Hver nemandi skal hafa meðmæli frá þeirri menntastofnun, sem hann hefur numið í.

Til þess að geta fengið inngöngu í skólaeldhúskennaradeild, verður nemandi að hafa lokið kennaraprófi við Kennaraskóla Íslands. Þó má forstöðukonan, undir vissum skilyrðum, veita undanþágu frá kennaraprófi, en þá er nemandinn skyldugur að læra uppeldisfræði að fullu í kennaraskólanum, svo hann öðlist full kennararéttindi.

5. gr.

Forstöðukona hefur úrskurðarvald um inntöku nemenda. Hún getur, ef sérstaklega stendur á, veitt undanþágu frá aldursskilyrði 3. gr.

III. KAFLI

Um kennsluna.

6. gr.

Námstíma í húsmæðrakennaradeild skal skipt í 3 samfelld námstímabil.

1. námstímabil hefst 15. september og stendur til 14. maí. Skal það námstímabil vera í Reykjavík.
2. námstímabil stendur frá 14. maí til 1. október. Skal það vera í sveit.
3. námstímabil stendur frá 1. október til 1. júní. Skal það vera í Reykjavík.

7. gr.

Á 1. námstímabili skal námið vera bæði verklegt og bóklegt. Skal þá kenna þessar námsgreinar: Matreiðslu, bökun, þvotta, efnafræði, næringarefnafræði, grasafræði, reikning, heilsufræði, vöruþekkingu.

8. gr.

Skipta skal kennslustundum á milli námsgreina á 1. námstímabili sem hér segir:

Verklegt nám	26	stundir	á	viku.
Efnafræði	2	—	—	—
Næringarefnafræði	3	—	—	—

Grasafraeði	3	stundir	á	viku.
Reikningur	2	—	—	—
Heilsufraeði	2	—	—	—
Vöruþekking	1	—	—	—
Búreikningar	1	—	—	—

47

11. maí

Alls 40 stundir á viku.

9. gr.

Á öðru námstímabili er aðeins verklegt nám. Skulu eftirfarandi námsgreinar kenndar: Garðrækt, grasafraeði, hirðing alifugla og svína, mjólkurmeðferð og mjólkurfræði, matreiðsla garðávaxta og berja, meðferð sláturfjárafurða, hibýlaumgengi og þvottur.

10. gr.

Á þriðja námstímabili skal námið vera bæði verklegt og bóklegt. Skulu þessar námsgreinar kenndar: Sýningarkennsla, kennsluæfingar, hjálp í viðlögum, uppeldisfræði, næringarefnafræði, eðlisfræði, efnafræði, heilsufraeði, búreikningar, íslenzka, hibýlaumgengi og meðferð ungbarna, enn fremur saga húsmæðrafræðslu, sem þó ekki er krafizt til prófs. Á því námstímabili skulu nemendum sýndar stofnanir, er fást við framleiðslu eða rannsókn matvæla, eftir því sem tök eru á.

11. gr.

Skipta skal kennslustundum á 3. námstímabili á milli kennslugreina sem hér segir:

Verklegt nám og æfingakennsla	12	stundir	á	viku.
Uppeldisfræði	5	—	—	—
Næringarefnafræði	2	—	—	—
Eðlisfræði	3	—	—	—
Efnafræði	4	—	—	—
Heilsufraeði	3	—	—	—
Búreikningar	3	—	—	—
Íslenzka	2	—	—	—

Alls 34 stundir á viku.

Forstöðukonan getur fjölgað stundunum þannig að þær verði allt að 42 á viku, ef hún telur það nauðsynlegt.

12. gr.

Í skólaeldhúskennaradeild skulu eftirfarandi námsgreinar kenndar: Matreiðsla, ræsting, þvottur, hjálp í viðlögum, næringarefnafræði, heilsufraeði, eðlisfræði, efnafræði, vöruþekking, uppeldisfræði, reikningshald og kennsluæfingar.

13. gr.

Skipta skal kennslustundum á milli námsgreina sem hér segir:

Verklegt nám og æfingakennsla	26	stundir	á	viku.
Næringarefnafræði	3	—	—	—
Heilsufraeði	2	—	—	—
Efnafræði	4	—	—	—
Uppeldisfræði	1	—	—	—
Hjálp í viðlögum	1	—	—	—
Eðlisfræði	3	—	—	—
Vöruþekking	2	—	—	—
Búreikningar	2	—	—	—

Alls 44 stundir á viku.

IV. KAFLI

14. gr.

Í húsmæðrakennaradeildinni skal halda próf í lok hvers námstímabils, samkvæmt því sem segir í 15. og 16. gr. Í skólaeldhúskennaradeildinni skal tekið kennarapróf við lok námstímans.

15. gr.

Kennarapróf í húsmæðrakennaradeild fer fram í þrennu lagi:

Fyrsti hluti við lok 1. námstímabils.

Annar — — — 2. —

Þriðji — — — 3. —

16. gr.

A.

Til fyrsta hlutans teljast þessar námsgreinar:

Verklegt:

1. Matartilbúningur.
2. Bökun.

Bóklegt:

1. Vöruþekking.
2. Reikningur.

B.

Til annars hlutans teljast þessar námsgreinar:

Verklegt:

1. Garðrækt.
2. Mjaltir og meðferð mjólkur.
3. Niðursuða.

C.

Til þriðja hlutans teljast þessar námsgreinar:

Verklegt:

1. Kennsluæfingar (sýningarkennsla, verkleg kennsla).
2. Hjálp í viðlögum.
3. Meðferð ungbarna.
4. Híbýlaumgengni.

Bóklegt:

1. Uppeldisfræði.
2. Næringarefnafræði.
3. Eðlisfræði.
4. Efnafræði.
5. Heilsufræði.
6. Búreikningar.
7. Grasufræði.
8. Íslenzka.

17. gr.

Í skólaeldhúskennaradeildinni skal próf tekið í þessum námsgreinum:

Verklegt:

1. Matreiðsla.
2. Ræsting og þvottur.

3. Hjálp í viðlögum.
4. Kennsluæfingar.

47

11. maí

Bóklegt:

1. Næringarefnafræði.
2. Heilsufræði.
3. Eðlisfræði.
4. Efnafræði.
5. Vörubekking.
6. Uppeldisfræði.
7. Búreikningar.

Í bóklegum greinum skulu prófin vera annaðhvort munnleg eða skrifleg eða hvort tveggja, eftir ákvörðun forstöðukonu, að fengnum tillögum kennara.

18. gr.

Kennarar skólans prófa, en ráðuneytið skipar prófdómara, einn við próf í hverri námsgrein, er dæma með þeim um frammistöðu nemenda við kennaraprófið.

19. gr.

Kennarar skulu, í lok hvers námstímabils, gefa nemendum einkunn í sínum greinum. Við prófið gefa prófdómari og kennari sína einkunnina hvor. Fullnaðarprófseinkunnin verður meðaltal þessara einkunna.

20. gr.

Einkunnir skal gefa í heilum og hálfum tölum frá 0 upp í 10. Aðaleinkunn skal finna með því að taka meðaltal af einkunnum allra námsgreina.

21. gr.

Til þess að standast kennarapróf, hvort sem er í húsmæðrakennaradeild eða skólaeldhúskennaradeild, þarf meðaleinkunnina 5. Í matartilbúningi og kennsluæfingum verða nemendur að hafa minnst 7.

22. gr.

Hver sá nemandi, sem staðizt hefur kennarapróf, skal fá skirteini, er sýni aðaleinkunn hans og fullnaðareinkunn í hverri grein.

V. KAFLI

Um kennara.

23. gr.

Við skólann skal, auk forstöðukonu, vera ein föst kennslukona. Stundakennara ræður forstöðukonan eftir þörfum, og skulu þeir jafnan hafa sérþekkingu í þeim greinum, sem þeir eiga að kenna.

24. gr.

Forstöðukonan hefur á hendi stjórn skólans og kennir verkleg störf. Enn fremur hefur forstöðukonan eftirlit með kennslu og nemendum í skólanum, svo og munum skólans og áhöldum. Hin fasta kennslukona skal, auk venjulegra kennslustarfa, vera forstöðukonunni til aðstoðar við störf hennar, að svo miklu leyti sem forstöðukonan óskar þess.

47

11. maí

25. gr.

Forstöðukonan skal sjá um, að í skólanum séu haldnar þessar bækur, og reglulega í þær ritað: Prófbók, bréfabók, áhaldabók, fundabók og námskeiðabók.

26. gr.

Ráðuneytið skipar forstöðukonu og hina föstu kennslukonu. Forstöðukona skal hafa kennararéttindi í húsmæðrafræðslu. Hin fasta kennslukona skal auk góðrar almennrar menntunar hafa notið sérstakrar menntunar í húsmæðrafræðslu, og skal umsagnar forstöðukonu leitað um umsækjendur áður en kennslukonan er skipuð.

Ef brýn nauðsyn ber til, getur ráðherra veitt undanþágu að því er snertir kröfur þær, sem hér eru gerðar til hinnar föstu kennslukonu.

VI. KAFLI

Um nemendur skólans.

27. gr.

Nemendur, sem ekki geta sótt skólann sakir sjúkleika eða annarra gildra ástæðna, eiga að senda forstöðukonu tilkynningu um það, og grennslast hún þá eftir ástæðum, ef henni þykir þess þörf, og getur forstöðukona krafizt þess, að nemandi leggi fram vottorð frá lækni, sem hún til tekur.

28. gr.

Valdi nemandi skemmdum á áhöldum eða munum skólans, skal hann bæta það fullum bótum.

29. gr.

Ef nemandi hegðar sér ósæmilega, sýnir megna vanrækslu eða vist hans í skólanum er vansæmandi fyrir skólann eða hann er svo heilsulítill að hann getur ekki stundað nám sitt, getur forstöðukonan vikið honum úr skóla. Þó getur nemandi skotið máli sínu til kennslumálaráðherra.

VII. KAFLI

Um skólaleyfi.

30. gr.

Þessi skulu vera leyfi:

1. Fyrsti desember.
2. Jólaleyfi, er nær frá 22. degi desember til 5. dags janúarmánaðar, að báðum dögum meðtöldum.
3. Páskaleyfi, er nær frá miðvikudegi fyrir skírdag til þriðja í páskum, að báðum þeim dögum meðtöldum.
4. Sumardagurinn fyrsti.
5. Sumarleyfi 14 dagar, eftir ákvörðun forstöðukonu.

Forstöðukonan getur gefið fri heilan dag eða hluta úr degi, eftir ástæðum.

VIII. KAFLI

Um skólagjöld.

31. gr.

Nemendur greiða ákveðið námsgjald, er gengur til kaupa á matvælum og öðru efni, er nota þarf við verklegt nám og kennsluæfingar. Gjald þetta skal ákveðið

af forstöðukonu í byrjun hvers námstímabils. Við ákvörðun þess skal tillit tekið 47
til verðlags á þeim tíma. Forstöðukonan ákveður um greiðslu þessa gjalds. Annað 11. maí
skólagjald greiða nemendur ekki.

IX. KAFLI

Um húsmæðranámskeið.

32. gr.

Í sambandi við skólann er heimilt að halda húsmæðranámskeið. Forstöðukona skólans stýrir þeim og ræður tilhögun þeirra í samráði við kennara skólans.

Á þessum námskeiðum skal láta kennslukonuefnin kenna, eftir því sem tók eru á.

Reglugerð þessi öðlast gildi 1. júní 1942.

Í kennslumálaráðuneytinu, 11. maí 1942.

Hermann Jónasson.

Gústav A. Jónasson.

AUGLÝSING

48

20. maí

um breyting á tímaákvörðunum og kærufrestum, er um ræðir í IV. kafla laga nr. 6 9. jan. 1935, um tekjuskatt og eignarskatt.

Samkvæmt heimild í i-lið 14. greinar laga frá 20. maí 1942 um breyting á lögum nr. 6 9. jan. 1935, um tekjuskatt og eignarskatt, hefur ráðuneytið ákveðið, að tímaákvörðanir og frestir samkvæmt 36., 37. og 38. gr. laga nr. 6 9. jan. 1935, skuli breytast svo sem hér segir við álagningu tekju- og eignarskatts árið 1942:

Útan Reykjavíkur:

Skattskrár skulu lagðar fram fyrir 5. júní þ. á. og skulu þær liggja til sýnis til 10. júní þ. á. á lögákvæðnum stað.

Kærufrestur til undirskattanefnda skal vera til 10. júní þ. á.

Úrskurðir undirskattanefnda um kærur skulu felldar fyrir 15. júní þ. á.

Kærufrestur til yfirskattanefndar skal vera til 1. júlí þ. á.

Úrskurðir yfirskattanefndar skulu felldir fyrir 8. júlí þ. á.

Yfirskattanefndir skulu hafa lokið störfum sínum fyrir 8. júlí þ. á.

Fjármálaráðuneytið, 20. maí 1942.

F. h. r.

Magnús Gíslason.

Einar Bjarnason.